

GrønlandsBANKEN, Aktieselskabimut  
Malittarisassat

24. marts 2021

## **I. Aningaaseriviup siunertai angerlarsimaffialu**

**§ 1** GrønlandsBANKEN, Aktieselskab, 1967-imi pilersinneqartoq Kommuneqarfik Sermersuumi angerlarsimaffeqarpoq. Aningaserivik inuussutissarsiornermut Aqutsisoqarfimmi nr. 80050410-imik normoqarluni nalunaarsugaavoq.

Aningaaserivik aamma suliffeqarfittut ingerlatsivoq atimi saniatigut uku atit atortarlugit

Nuna Bank A/S (GrønlandsBANKEN, Aktieselskab)  
The Bank of Greenland A/S, (GrønlandsBANKEN, Aktieselskab).

**§ 2** Aningaaserivimmi aningaaserivittut taamatut suliaqarnermi sammineqartartut assiiginngitsut suulluunniit aningaaserivinnut inatsimmi akuerisaasut ingerlanneqarput.

## **II. Aningaaseriviup aningasaatai piginneqataassutitullu pigisai**

**§ 3** Aningaaseriviup aktiatigut pigisai kr. 180.000.000-iupput.

Aktiatullu aningasaatigisat tamakkiisut akilerneqarnikuupput.

Aktiatut pigisat immikkoortitaarput 100 koruuninut tamannalu tunngavigalugu amerlisaneq atorlugu agguataagangortitaallutik.

Aktiaatit allanneqarfigivaat OMX Nasdaq Copenhagen nalunaarsorneqarpullu VP Securities A/S-imi.

**§ 4** Aktiat nioqutissiaapput, atimut allanneqassallutik qanorluunniillu ilineratigut aningaaseriviup aktianut nalunaarsuiffiani ateq pineqartoq atorlugu allassimassallutik.

Aktiat tamarmik assigiimmik piginnaatitaassuseqarput.

Piginneqataasut arlaannaalluunniit pisussaataaangilaq aktiaatiminik ilaannakuusumik tamakiissumilluunniit utertitsilluni tunisinissaminut.

Aktiat nioqutigineqarsinnaanerini killiliussaqaangilaq.

VP Securities A/S-imi maleruagassiat malillugit iluanaarutisiassat tunniunneqartassapput.

## **III. Elektroniskiusumik attaveqatigiinneq peqataanerlu**

**§ 5** Aningaaserivimmiit piginneqataasunut attaveqarneq ingerlanneqarpoq elektroniskiusumik pappialanik parlaassueqatigiinnertut aammalu elektronisk-imik allakkat atorlugit,

anigaaseriviup nittartagaatigut imal./aammalu investorPortalen™ atorlugit aamma ataatsimeersuarnissamut oqaluuserisassat aggersaassutillu, siunnersuutit tamakkiisumik allatat, piginnaatitsissusiinermi immersugassat, ukiumut nalunaarusiat ilaat, ukiumut nalunaarut, piginneqatigiiffinnut nalunaarutit, nassuiaasiat, piserusuttut allattorsimaffii aammalu anigaaserivimmit piginneqataasunut ilisimatitsissutiginiakkat allat.

Piginneqataasut namminneq isumannaarniartussaavaat, anigaaseriviup elektroniskiusumik imminnut attaveqarnissamut atugassanik peqartinnissaa.

Anigaaseriviilli qaqugukkulluunniit aaliangersinnaavaa allakkat nalinginnaasut attaveqatigiinnermi atorniarnelugit.

Piginneqataasunit anigaaserivimmut attaveqarniarneq aammalu ataatsimeersuarnermi peqataaniarneq elektronisk-imik ingerlanneqarsinnaapput InvestorPortalen™ aqutigalugu, email atorlugu imal. [aktionær@banken.gl](mailto:aktionær@banken.gl) imal. [shareholder@banken.gl](mailto:shareholder@banken.gl). atorlugit attaveqarnikkut.

- § 6** Siulersuisut, siunertamut tulluartutut teknikkikkullu akisussaasutut isigigunikku, aalajangersinnaavaat aktiaatillit ataatsimeersuarnermut elektroniskiusumik peqataasinnaasut, imaluunniit ataatsimeersuarneq tamakkiisumik elektroniskiusumik najuunnissamut periarfissaqanngitsumik ingerlanneqassasoq. Aktiaatillit taamaasillutik ataatsimeersuarnermi elektroniskiusumik peqataasinnaapput, oqaaseqarsinnaapput taasisinnaallutillu. Siulersuisut taama aalajangiinissaq toqqassappagu, tamanna pillugu anigaaseriviup nittartagaani paasissutissat sukumiinerusut nassaarineqarsinnaassapput: [www.banken.gl](http://www.banken.gl) kisisalu ataatsimeersuarnermut pineqartumut aggersaassummi.

#### **IV. Anigaaseriviup aqunneqarnera**

- § 7** Anigaaseriviup aqunneqarnera ataatsimeersuarternit, siulersuisunit pisortaatitamillu isumagineqassaaq.

##### *A. Ataatsimeersuarneq*

- § 8** Ileqquusumik ataatsimeersuarnerit ukiut tamaasa apriliip qaammataa naatinngitinnagu ingerlanneqartarput.

Immikkut ittumik ataatsimeersuarnerit siulersuisut imal. ileqquusumik ataatsimeersuarnermi aaliangiinerit imal. ataatsimeersuarnermi aaliangiinerit imal. ataatsimeersuarnermi qinikkatut kukkunersuiusumit imal. piginneqataasunit, piginneqataassutsit tamakkiisut minnerpaamik 5%-inik peqartuusunit, immikkut ataatsimeersuarternit qarnissamik kissaatteqarpata pissaaq. Taamatut kissaatteqarneq siulersuisunut allaganngorlugu tunniunneqartassaaq nassuiaaserlugu ataatsimeersuarnermi suna suliassanngortinneqarumarnersoq.

Sammisaq aalajangersimasoq pillugu suliaqarnissamut immikkut ittumik ataatsimeersuarnissaq aggersaassutigineqassaaq, piumasarineqarneranit kingusinnerpaamik sapaatit akunneri marluk qaangiuppata.

## § 9

Ataatsimeersuarnerit tamarmik Nuummi ingerlanneqartassaput siulersuisunillu tamanna aningaaseriviup nittartagaatigut ([www.banken.gl](http://www.banken.gl))-ikkut takussutissiarissavaat. Aamma/imal. siulersuisut aaliangiinerat naapertorlugu qallunaat aviisii kalaallillu aviisii arlaqartut aqcutigalugit ilisimatitsissuteqarnikkut avammut saqqummiunneqartassaaq. Aggersaassummi ilaassapput ataatsimeersuarnerup qaqugukkut pinissaa sumiinnissaalu, oqaluuserisassat, tassani ilassallutik ataatsimeersuarnermi suut oqallisigineqassasut. Aggersaassut ataatsimeersuarnissaq pitinnagu siusinnerpaamik sap.ak. tallimanik sioqutsisumik kingusinnerpaamillu sak.ak. pingasunik sioqutsisumik nassiunneqassaaq.

Piginneqataassutaateqartoq kinaluunniit ataatsimeersuarnermi oqallisigineqarlunilu aaliangiiffigineqartussamik saqqummiussaqaarsinnaatitaavoq. Taaneqartut siunnersuutit allakkatut suliaassapput siulersuisunullu tunniunneqartassallutik kingusinnerpaamik ataatsimeersuarnissaq sap.ak arfinillit sioqqullugit. Aningaaserivik piumasarisaa sumit kingusinnerusukkut tigusaqaruni, taava siulersuisut aaliangissavaat, pisoq ima siusitsigisumik tunniunneqarsimasoq, oqaluuserisassanut ilanngussisinnaaneq angumerineqarsinnaalluni.

Kingusinnerpaamik sap.ak. pingasunik ataatsimeersuarnissaq sioqutsisumik, ataatsimeersuarnermi oqaluuserisassat tamakkiisumillu siunnersuutaasut, ileqquusumillu ataatsimeersuarnissamut atatillugu ukiumut nalunaarut kukkunerisugaasoq, taakkulu aningaaseriviup qullersaqarfiani tamanit takuneqarsinnaasunngorlugit saqqumitineqassapput ingerlatinneqassallutillu piginneqataasumut kimulluunniit, piginneqataasut emailit aningaaserivimmut nalunaarutigisimasaat atorlugit.

## § 10

Piginneqataassutsinik peqartut kikkulluunniit ataatsimeersuarnermi peqataasinnaapput, peqataaniarnertik ataatsimeersuarnissaq ullunik pingasunik sioqutsisumik nalunaarutigisimappassuk.

Peqataanissamut isissutissat paatsoorneqarsinnaanngitsumik uppernarsaasiinikkut Nuummi aningaaseriviup allaffianut aaneqarsinnaapput.

Aktiaatillit ataatsimeersuarnermi peqataanissamut kiisalu aktiaatillit aktiaataannut atatillugu taasinissamut pisinnaatitaaffii, ullormi nalunaarsuiffimmi, ataatsimeersuarnissamut sapaatip akunnerinnangorpat aktiaatillip aktiaatai naapertorlugit aalajangerneqartarput. Aktiaatillit aktiaataat taasisinnaassusaallu ullormi nalunaarsuiffimmi naatsorsorneqartarput, piginneqataassutsit piginnittut allattuivianni nalunaarsorsimasut tunngavigalugit, kiisalu piginneqataassutsit pillugit nalunaarutit, piginnittut allattuivianni ilanngunneqartus-satut aningaaseriviup tiguisimaisai tunngavigalugit.

Piginneqataasut, isissutissamik tunineqarsimasut, ataatsimeersuarnermut takkussinnaapput piginnaatitsissut atorlugu aammalu siunnersorteqarlutik takkussinnaatitaallutik. Piginnaatitsissuserneqarsimasup allaganngorlugu ullulerlugulu tamanna takutissavaa. Piginnaatitsissuserneqarsimasoq piginneqataasut arlaqartut sinnerlugit takkuttooq, piginneqataasut sinnikkani ataasiakkaat sinnerlugiut assigiinngitsunik taasisinnaavoq.

Piineqataasuli aamma ataatsimeersuarneq pitinnagu allakkatigut taasisinnaapput.

Piginneqataassut 100 kr.-usoq taasineramik ataatsimik naleqarpoq.

**§ 11** Ataatsimersuarnermi isumaqatiginniarnit siulersuisut aqutsisussatut toqqagaanit ingerlanneqassapput, qanoq suliassap ingerlannissaanik, taasissutigitinnissaanik aaliangiisusamik aammalu angusanik naliliisitsillunilu nalunaaruteqartussamik.

**§ 12** Ileqquusumik ataatsimeersuarnermi oqaluuserisassat makkuninnga imaqassapput:

- 1) Aningaseriviup ukiup siuliani ingerlaneranut Siulersuisut nalunaarutaat.
- 2) Ukiumut nalunaarummik kukkunersiugaasumik akuerisassanngortitsilluni saqqummiussineq aammalu siulersuisut pisortarlu akisussaajunnaartinnerannik nalunaaruteqarneq Kiisalu aalingiiffigisassatut sinneqartoorutit atornissaanik amigartoorutiluunniit matunissaannik ukiumut nalunaarut tunngavigalugu siunnersuut ilaassalluni.
- 3) Taamatut ittoqarpat siulersuisunit piginneqataasulluunniit malitassaanni § 9 –imi allassimasut naapertorlugit siunnersuutit.
- 4) Siulersuisuni ilasortassanik qinersineq.
- 5) Avataaniit kukkunersiuisussamik qinersineq, takukkit § 21-mi allassimasut.
- 6) Tamalaat.

**§ 13** Sammineqartut ataatsimeersuartunit nalinginnaasumik amerlanerussuteqarneq atorlugu aaliangerneqartassapput, inatsisit imal. maleruagassiat allatut iliornissamik inassusiisut pineqangippata.

Aningaseriviup malittarisassaanut allannguutissanik, inatsisini malitassat naapertorlugit siulersuisunit ingerlanneqarsinnaanngitsunik imal. maleruagassat naapertorlugit sukanernerusunik piumasaqaateqartoqarsinnaatinnagu, siunnersuutit akuerineqassatillugit, piumasaqaataavoq, taasisut 2/3-iinit akuersisoqarnissaa aammalu taasissutit aktiaatit aallavigalugit taasisinnaatitaasut 2/3-iinit siunnersuut akuersaarneqarpat.

Immikkullu piumasarisaavoq, pineqartillugu siunnersuut saqqummiunneqarsimangitsooq

imal. siulersuisunit akuerineqarsimanngitsoq, taava aktiaatillit tamarmiusut 2/3-iisa ataatsimeersuarnermi najuunnissaat piumasarisaaavoq. § 13, mm. 4 maleruagassani ittoq allanngortinneqassappat, taava aaliangiinissaq pissaaq tassunga atatillugu maleruagassiasat naapertorlugit.

Aningaaserivik aningaaserivittut unissasoq aaliangerneqassappat allamik suleqateqalernikkut imal. nammineq unittussanngortinnikkut, taava piumasarisaaavoq taasisut 3/4-iisa akuersinissaat taamatullu aamma aktiaatillit pigisaasa tamarmiusut 3/4-iisa akuersinissaat. Siunnersuut saqqummiunneqarsimanngippat imal. siulersuisunit akuersarneqarsimanani, taava aamma piumasarisaaavoq, ataatsimeersuarnermi aktiatigut pigisaasut peqataasut 3/4 -iisa akuersinissaat.

**§ 14** Ataatsimeersuarnermi isumaqatigiinniarnertit protokol-imut allanneqassapput, aqutsisumik atsiorneqarlutik.

Ataatsimeersuarnerup kingorna kingusinnerpaamik ullut 14-it iluini ataatsimeersuarnermi allattuiffik imal. taassuma assilinerata atsiugaq aningaaseriviuup nittartagaani takuneqarsinnaasunngorlugu nivinngarneqassaaq.

#### *B. Siulersuisut*

**§ 15** Siulersuisunut ilaasortat ataatsimeersuartunit qinerneqassapput, taamaallaat ilaasortat pinnagit. Inatsisini maleruagassiat naapertorlugit siulersuisunut sulisut sinnerlugit ilaasortasut. Ataatsimeersuarnermi siulersuisunut ilaasortasut qinigaasut ikinnerpaamik tallimaassapput amerlanerpaamillu quliusinnaallutik.

Ukiut tamaasa siulersuisunut ilaasortat ataatsimeersuartunit qinigaanermi ulloq aallaavigalugu, isertinneqarnikuusut sivisunerpaamillu issiasimasut, pingasut tunuartassapput. Ilaasortat sivoqatigiimmik issiasimasut akornani tunuartussat makitsinikkut aaliangerneqartassapput.

Ilaasortalli tunuartut qineqqinneqarsinnaatitaapput.

**§ 16** Siulersuisut iluminni siulittaasussamik qinersissapput ammalu tullersortissaanik ataatsimik marlunnilluunniit qinersissallutik. Siulittaasoq ataatsimiinnermi peqataangitsillugu siulittaasumut tulliusut arlaat siulittaasunngorallartassaaq. Siluittaasoq tullillu ataatsikkut peqataasinnaangitsillugit ataatsimeersuarnermi qinigaallutik siulersuisuni ilaasortasut akornanni sivisunerpaamik issiasimasooq siulittaasuugallartassaaq.

Siulersuisut siulittaasup aggersaaneratigut ataatsimiittassapput taassumalu peqannginnerani siulittaasup tullia aggersaatillugu ataatsimittassallutik. Ataatsimiinnerit pisassapput siulittaasup nalilliineri malillugit imal. siulersuisuni ilaasortamit, anngaaserivimmi

pisortamit, ataatsimersuarnermi toqqagaalluni kukkunersuisuimit imal. illup iluani kukkunersuisuusumit ataatsimiinnissaq kissaatigineqartillugu.

Siulersuisut aaliangiisinnaatitaapput, ilaasortat tamarniusut affaat sinnerlugit peqataasoqartillugu, kisiannili minnerpaamik ataatsimeersuarnermi qinigaasut ikinnerpaamik affaasut sinnerlugit peqataasoqartillugu.

Aaliangiinerit nalinginnaasumik amerlanerussuteqarneq tunngavigalugu pisassapput, al-latut pinissaq malittarisassani imal. inatsisini piumasarineqanngippat. Taasinermi naligiit-toqartillugu Siulittaasup, taartaasullu peqartinnagu, taasiner aaliangiisuusassaaq.

Ataatsimiinnerit allattuiffimmut imaqarniliunneqartassapput kingorna siulersuisuni ilasortanit atsiorneqartumik.

**§ 17** Siulersuisut pisortassanik toqqaallutillu soraarsitsisinnaapput aamma illup iluani kukkunersuisussamik kiisalu atorfinitsitsinermi tunngavissanik aaliangiisarlutik.

Aningaaseriviup pisortanik kajumissaariniarluni akissarsitsisarnermut najoqqutassat pingaarnertit suliarai. Najoqqutassat taakku aningaaseriviup ataatsimeersuarnerani suliarineqarlutillu akuersissutigineqarput. Najoqqutassat aningaaseriviup nittartagaani saqqummiunneqarput.

**§ 18** Siulersuisut suleriaatsiminni suliap qanoq ingerlanneqanissaanik aaliangersaasinnaapput.

Suleriaatsimi suliaasat immikkuullarissut siulersuisuni ilaasortanut ataasiakkaanut arlaqartunulluunniit aamma forretningsudvalgimut tunniunneqarsinnaapput.

Siulersuisuni ilaasortat akissarsitinneqartassapput ataatsimeersuarnermi akuerisaasut tunngavigalugit ukiumut nalunaarutip akuerineqarnerata kingorna tunniunneqartussanik.

#### *C. Pisortaqaarneq*

**§ 19** Pisortap ulluinnarni niuernertut ingerlatsineq aqutarissavaa, taassumalu ataani aamma aningaaserivimmi sulisunik atorfinitsitsisarneq soraarsitsisarnertu ingerlatissallugit, Siulersuisullu pisortap suleriaasissai aalingertassavaat.

Pisortaqaarfik ataatsimiik pingasunut inuttaqarsinnaavoq.

#### **V. Aningaaseriviup atsiornikkut aaliangiisinnaatitaanera**

**§ 20** Aningaaserivik atsiornikkut pisussaatitaalersinnaavoq siulittaasoq imal. siulittaasup tullia siulersuisuni ilaasortamik peqateqarluni, pisortat marluk peqatigiillutik imal. siulersuisuni

ilaasortaq pisortaq peqatigalugu atsiuisuutillugit.

## VI. Kukkuersiineq naatsorsuutinillu nammassinnineq

§ 21 Aningaaseriviup ukiumut nalunaarutaa kukkuersiorneqassaaq inatsimmi atuuttumi pi-umasarisassat naapertorlugit. Kukkuersiineq pisassaaq kukkuersiuisoq ataaseq imal. arlaqartut, ukiumik ataatsimik atuuttumik qinigaasut, kukkuersiuisoralugit.

§ 22 Aningaaseriviup ukiumut naatsorsuutai ingerlassapput ukiup qaammatai malillugit.

Qulaani malittarisassatut allanneqartut Aningaaseriviup 24. marts 2021 ataatsimeersuarnerani akuerineqarput.

Siulersuisunit:

Gunnar í Lida  
Siulittaasoq

Kristian Frederik Lennert  
Siulittaasup tullia

Maliina Bitsch Abelsen

Ellen Dalsgaard Zdravkovic

Lars Holst

Peter Angutinguaq Wistoft

Yvonne Jane Poulsen Kyed

Malene Meilfart ChristensenNiels

Peter

Fleischer

Rex

Oqallinnermik aqutsisoq

Peter Schriver

Siulresuisut\vmalittarisassat\marts21